



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma Bvllarii Earvmve Svmmorvm Pontificvm
Constitvtionvm Qvae Ad Commvnem Ecclesiae Vsvm post
volumina Iuris Canonici, vsq[ue] ad Sanctissimum D. N.
D. Pavlvn Papam V. emanarunt**

Quaranta, Stefano

Venetiis, 1619

Poenā pecuniaria.

urn:nbn:de:hbz:466:1-10793

tibus imponenda dubitari possit, prouidere volentes supra dictorum prædecessorum nostrorum veltigij inhaerentes, hac perpetuo valitura Constitutione decernimus, atque statuimus, vt quicumque non promotus, ad sacrum Presbyteratus ordinem repertus fuerit Missarum celebrationem vsurpasse, vel Sacramentalem confessionem audiuisse a Iudicibus Sanctæ Inquisitionis vel locorum ordinarijs tanquam Ecclesiæ misericordia indignus a foro ecclesiastico abiciatur, & ab ordinibus ecclesiasticis, si quos habuerit, rite degradatus, statim Curia seculari tradatur per Iudices seculares debitis penis plectendus. Non obstantibus, Constitutionibus, & ordinationibus Apostolicis, ac in cõcilijs, etiam generalibus editis, etiam in corpore iuris clausis: Quibus omnibus, & singulis illarum tenores pro sufficienter expressis, & ad verbum insertis habentes, specialiter, & expresse derogamus, ceterisque contrarijs quibuscunque. Vt autem huiusmodi Constitutionis ignorantia de cetero allegari, aut prætendi nunquam possit, atque vt præfentes literæ omnibus in notescant, volumus illas ad Valuas Sancti Ioannis Lateranen. & Principis Apostolorum de Vrbe Batilicarum, & in Aede Campi Florentiore solito publicari, & affigi, atque ijs indæ amotis eandem exempla, etiam impressa ibi affixa relinqui, factaque huiusmodi publicatione omnes, qui in Vrbe post mensem, qui vero extra eam, & citra Montes, potest quatuor menses, qui demum ultra Montes fuerint post decem menses a die publicationis presentium cõputandos afficere, & archare, ac si eorum cuiuslibet personarum intumata fuissent, Ac præterea, ut ad manus eandem presentium literarum exemplis etiam impressis, & manu Notarij publici scriptis, & sigillo Officii Sanctæ Romanæ Inquisitionis, vel alicuius personæ in dignitate Ecclesiastica constitutæ munitis, eandem prorsus fidem haberi, quæ huc presentibus haberetur, si essent exhibitæ, vel ostensa. Dat. Romæ apud Sanctum Petrum sub Annulo Piscatoris, D. e prima Decembris 1601. Pontificatus nostri Anno Decimo.

POENAE PECUNIARIAE.

COMMUNIS est Scribendum conclusio in cap. vt clericorum, de vita, & hon. cler. addendo etiam Feli. in c. irrefragabili, §. ceterum, de off. ord. & Pet. Foller. in pract. crim. can. c. 37. nu. 26. Post aliquando Episcopum correctionis zelo Clericos pro delicto pena pecuniaria punire, potissime vbi ea magis timeretur, iuxta glo. in cap. licet, & ibi Panor. de penis, videretque alias penas negligi, & parumpendi, & ad emendationem nihil proficere, adhibita tamen cautela ne in illa imponenda modum excedat, sed peccati qualitates, & personarum conditionem attendere debet, & quod ipsis Doctoribus vt honestius (sequendo Hostien. in sum. de off. ord. §. quid pertinet.) visum est, nempe ut illam penam Episcopus ad effugendam auaritiæ suspicionem, sibi non retineat, in propriam conuertendo vtilitatem, sed in pios vsus erogat, & deputet, id expresse decreto Conc. Trid. sess. 25. de ref. c. 3. præcipitur, vt multa pecuniaria, eo ipso, quod exacta fuerint, pijs locis assignentur, adeo quod refertur Sacram eiusdem Concilij Congregationem consuisse, nec posse Episcopum ex multis, & penis, quas exigi cõgerit in eius Curia aliquam portionem Vicario suo assignare pro eius mercede. Super quo etiam Concilium Toler. celebratum anno 1565. actio. 2. c. 14. relatum ab Ignatio Lopez in addit. ad Diaz. in pract. crim. can. c. 145. dispo-

fuit, vt sequitur Poena pecuniaria, si quando a Iudicibus Ordinarijs, iuxta rationem delicti, vel delinquentis qualitatem, eas imponi contigerit, in pios tantum usus, & pro executione iustitiae, nõ pro priuata Episcoporum utilitate expendantur arbitrio Episcopi, vel Vicarij. Deputeturque ab eodem Episcopo, qui easdem poenas recipere debeat, earumque rationem reddere teneatur. Haec tenent verba Concilij Tolet. Pluraque imitatione digna circa dictarum poenarum iniuriam, depositionem, adnotationem, ac distributionem faciendam, Gabriel Paleot. S. R. E. Cardinalis dictauit, & ordinauit suo Archiepiscopali Bononiensi. par. 4. tit. de causis in foro Episcop. fol. 270. & latius par. 6. tit. de administratione fori Archiep. fol. 435. & seq. Illud sane concordiam omnium consensu, (Felino attestantur loco indicato, sub num. 6) admittitur, vt in casu quo Episcopus euidenter indigeret, ac pauper esset licite possit dictas poenas sibi vindicare, & in proprium usum expendere; In quam sententiam descenderunt etiam Henric. Bott. in tract. de Synodo Ep. scop. par. 3. sub nu. 29. ibi, Puto tamen, &c. Couar. lib. 2. var. resoluc. c. 9. sub num. 9. ac Fusc. de visitat. lib. 1. cap. 32. nu. 3. Ego tamen adhuc tutius existimarem consulendum esse Sacram. Congregationem notificando, & redditus, & onera Episcopatus.

P R A E C E D E N T I A .

*Congru-
ti de ma-
ior. &
obed.*

PRÆTER Summistas sciendum est, quod per Gregor. xiiij. edita fuit declaratio circa Præcedentiam Fratrum Mendicantium, & Confraternitatum Laicorum in processionibus, vt patet ex eius Constitutione Romae publicata die 17. Iunii 1583. folio 1323. in Bullario incipien. Expofcit pastoralis officij, & infra.

De nobis attributæ potestatis plenitudine volumus, & Apostolica auctoritate decernimus, quod quicumque ex dictis Fratribus mendicantibus inter se de præcedentia huiusmodi contendentibus, aut Confratribus confraternitatum prædictarum, inter quos lites, & causa præmissorum occasione orta iam sint, seu oriri contigerit in futurum, qui in quasi possessione præcedentiae, ac iuris præcedendi sunt, ij, (quibuscumque reclamationibus, protestationibus, appellationibus, & aliis subterfugijs prorsus remotis, & cessantibus, & postpositis) in processionibus tam publicis, quam priuatis præcedere debeant, quando vero non probetur, aut non constet de quasi possessione præcedentiae huiusmodi inter fratres quidam Mendicantes ij, qui antiquiores in loco controuersiae, inter Confratres vero inter se litigantes ij, qui prius Saccis vsi sunt, in processionibus tam publicis, quàm priuatis præcedere debeant, ita vt si conuenerit noua monasteria, aut domos alicuius ordinis Mendicantium in loco, in quo alterius ordinis ex dictis Mendicantibus monasteria, aut domus prius erecta, & instituta sint, ille ordo, qui prius monasterium, seu domum in loco habuerit, præcedat. Præterea quia inter prædictos plerumque alia in processionibus, & alia in concilijs generalibus, & alijs actibus publicis, siue priuatis, ratio circa modum præcedendi seruatur, nolumus per præsentis prerogatiuis dictorum ordinum quo ad præcedentias huiusmodi quæ proprijs ordinibus, præterquam in processionibus prædictis debentur, aut fratribus Capuccinis nuncupatis, qui in processionibus publicis sub Conuentionalium Sancti Francisci, aut Minorum de obseruantia fratrum nuncupatorum Cruce, vt solent, incedere possint, aliquod præiudicium generari. Sicque per quoscunque Iudices, &c. Non obstantibus &c.

Et